



PRIMEIRU-MINISTRU

DISKURSU

**SUA EXELÉNSIA PRIMEIRU-MINISTRU REPÚBLIKA
DEMOKRÁTIKA TIMOR-LESTE
KAY RALA XANANA GUSMÃO**

IHA SIMEIRA BA DA-3 ASEAN – AUSTRÁLIA

Jakarta, Indonézia, lora 7 fulan-setembru tinan 2023

Obrigadu, Señores Koprezidentes.

Vosa Majestade,

Exelentísimus Líderes ASEAN,

Exelentísimu Primeiru-Ministru Austrália, Anthony Albanese,

Distintus Delegadus, Señoras no Señores,

Ha'u agradese ba Prezidente ASEAN tanba konvida ona Timor-Leste hodi partisipa iha sorumutuk importante ida-ne'e no ba oportunidade hodi hato'o ha'u-nia observasoins badak.

Hanesan viziñu besik ho Austrália no nasaun barak iha ASEAN, Timor-Leste felisita parseria positiva entre ASEAN no ho Austrália.

Austrália maka nu'udar kontribuidór prinsipál ida ba desenvolvimentu konstrusaun Nasaun no Estadu Timor-Leste.

Ami agradese mós ba Austrália tanba fó ona oportunidade ba timoroan rihun ba rihun hodi hetan kompeténsia no esperiénsia serbisu nian iha Austrália, liuhusi ninia programa serbisu.

Ami agradese ba Austrália ba ninia apoiu forte adezaun Timor-Leste nian ba ASEAN no ninia empenhu atu ajuda Timor-Leste hodi implementa roteiro ba ami-nia adezaun hanesan membru plenu direitu ASEAN nian.

Ha'u mós hakarak agradese ba ASEAN no Austrália ba esforsu kolaborasaun exelente no konkretu ne'ebé lideransa Repúblika Demokrátika Populár Laos no Austrália realiza ona ba apoiu adezaun Timor-Leste nian ba ASEAN. Ho Austrália nia apoiu, ami-nia funsionáriu governamental barak maka partisipa iha programa kapasitasaun ba ASEAN iha Vientiane, RDP Laos.

Ikusliu, ami apresia kontribuisaun Austrália nian ba konstrusaun Komunidade ASEAN, esforsus kooperasaun ba desenvolvimentu no

prioridade sira ASEAN nian iha tinan 2023 ho tema “ASEAN ne’ebé
Importa: Episentru Kreximentu”.

Obrigadu, Señores Koprezidentes.